

Na osnovu člana 95. Zakona o visokom obrazovanju („Službene novine Zeničko-dobojskog kantona“, broj: 12/22), Odluke Vlade Zeničko-dobojskog kantona o davanju saglasnosti na Plan upisa studenata u prvu godinu drugog ciklusa studija na Univerzitetu u Zenici u akademskoj 2024/2025. godini, broj: 02-34-10562/24 od 04.06.2024. godine i Odluke Senata Univerziteta u Zenici, broj: 01-02-5-3785/24 od 12.06.2024. godine i Zaključka Senata Univerziteta u Zenici, broj: 01-02-1-3966/24 od 26.06.2024.godine, JU Univerzitet u Zenici objavljuje

KONKURS
ZA UPIS STUDENATA U PRVU GODINU II (DRUGOG) CIKLUSA STUDIJA NA UNIVERZITETU U
ZENICI U AKADEMSKOJ 2024/2025. GODINI
(Magistarski studij)

Konkurs za upis studenata u prvu godinu II (drugog) ciklusa studija na Univerzitetu u Zenici (Magistarski studij) u akademskoj 2024/2025. godini traje od **26. avgusta do 30. septembra 2024. godine.**

Fakulteti Univerziteta u Zenici će na svojim oglasnim pločama i web stranici fakulteta dati potpune informacije o mjestu i vremenu predaje dokumenata.

Upis primljenih studenata na fakultete Univerziteta u Zenici obaviti će se **prema planu** fakulteta u skladu s usvojenim Planom upisa studenata u prvu godinu II (drugog) ciklusa studija na Univerzitetu u Zenici u akademskoj 2024/2025. godini.

Pravo učešća na Konkursu imaju državljani Bosne i Hercegovine, strani državljani i lica bez državljanstva sa završenim prvim ciklusom studija (dodiplomski studij) u Bosni i Hercegovini, kao i kandidati koji su prvi ciklus studija (dodiplomski studij) završili izvan Bosne i Hercegovine, a za koje je nakon postupka priznavanja odnosno nostrifikacije utvrđeno da imaju završeno odgovarajuće obrazovanje za nastavak školovanja.

Izuzetno, kandidati koji su prvi ciklus studija (dodiplomski studij) završili izvan Bosne i Hercegovine imaju pravo učešća na Konkursu i prije izvršenog postupka priznavanja odnosno nostrifikacije diplome o završenom prvom ciklusu studija (dodiplomski studij) u inostranstvu, uz prilaganje odgovarajućeg dokaza o pokretanju naprijed navedenih postupaka. Navedeni kandidati mogu izvršiti upis nakon završenog postupka priznavanja odnosno nostrifikacije o završenom obrazovanju u inostranstvu najkasnije do početka akademske 2024/2025. godine.

Prijem i upis studenata u prvu godinu studija provode posebne komisije koje imenuju dekani fakulteta Univerziteta u Zenici.

Rang listu i spisak primljenih kandidata fakulteti će objaviti na oglasnoj ploči i web stranici fakulteta nakon što ih verificiraju nadležni organi najkasnije pet dana od dana zatvaranje Konkursa.

Osnivač će snositi troškove redovnog studija u akademskoj 2024/2025. godini samo za studente koji su u I (prvom) ciklusu studija ostvarili prosječnu ocjenu 8 (osam) i više u skladu sa Odlukom Vlade Zeničko-dobojskog kantona o davanju saglasnosti na visinu školarine i drugih naknada koje plaćaju studenti II (drugog) ciklusa studija na Univerzitetu u Zenici u akademskoj 2024/2025. godini.

Izuzetno Osnivač snosi troškove redovnog studija za studente koji su u I (prvom) ciklusu studija ostvarili prosječnu ocjenu manju od 8 (osam), ukoliko se radi o studentima iz kategorija: djece šehida, poginulog, umrlog, nestalog branioca; djece poginulog, umrlog, nestalog dobitnika ratnog priznanja ili odlikovanja; djece umrlog ratnog vojnog invalida i umrlog demobiliziranog branioca; pripadnika romske nacionalnosti; osoba s invaliditetom preko 70%; osoba bez roditeljskog staranja koje su štićenici ustanova za smještaj djece bez roditeljskog staranja u Zeničko-dobojskom kantonu; osoba čiji su roditelji/staratelji korisnici socijalne pomoći, a koji imaju prebivalište na području Zeničko-dobojskog kantona.

U slučaju prijave većeg broja kandidata, prednost imaju kandidati s većom prosječnom ocjenom postignutom tokom I (prvog) ciklusa studija.

Kandidati koji se prijavljuju na Konkurs za upis u prvu godinu II (drugog) ciklusa studija (magistarski studij) prilažu sljedeća dokumenta:

- a) biografiju,
- b) diplomu ili uvjerenje o diplomiranju i završenom I (prvom) ciklusu studija (dodiplomski studij) koji se vrednuje s 240 odnosno 180 ECTS bodova,
- c) izvod iz matične knjige rođenih,
- d) uvjerenje o državljanstvu,

- e) uvjerenje o postignutom uspjehu u toku I (prvog) ciklusa studija (dodiplomski studij) s pregledom svih predmeta i ocjena (dodatak diplomi),
- f) izjavu o prihvatanju obaveze u plaćanju troškova II (drugog) ciklusa studija (magistarski studij) samo za studente koji se upisuju u statusu redovnog samofinansirajućeg i vanrednog studenta.

Dokumenta navedena pod tačkama b), c), d), e) i f) kandidati prilažu u originalu ili ovjerenj fotografiji (s ovjermom ne starijom od 6 (šest) mjeseci od dana objavljivanja Konkursa).

Kandidati korisnici prava po osnovu Zakona o dopunskim pravima branilaca i članova njihovih porodica (Službene novine Zeničko-dobojskog kantona, broj: 1/14) uz prethodno navedene dokumente prilažu i sljedeću dokumentaciju:

- ovjerena kućna lista,
- uvjerenja o prihodima članova domaćinstva,
- ovjerena kopija lične karte,
- potvrda o statusu pripadnika branilačke populacije i članova njihovih porodica.

Dobitnik ratnog priznanja ili odlikovanja, ratni vojni invalid, demobilizirani branilac, dijete šehida, poginulog, umrlog, nestalog branioca, dijete dobitnika ratnog priznanja ili odlikovanja, dijete ratnog vojnog invalida i dijete demobiliziranog branioca u statusu redovnog studenta, ima pravo prvenstva pod jednakim uvjetima pri upisu na fakultete Univerziteta u Zenici, a u skladu sa članom 20. Zakona o dopunskim pravima branilaca i članova njihovih porodica («Službene novine Zeničko-dobojskog kantona», broj 1/14 i Uredbom o prednosti u školovanju branilaca i članova njihovih porodica («Službene novine Zeničko-dobojskog kantona», broj 4/14, 1/18 i 15/21).

Upis kandidata iz kategorije djece: šehida, poginulog, umrlog, nestalog branioca; poginulog, umrlog, nestalog dobitnika ratnog priznanja ili odlikovanja; umrlog ratnog vojnog invalida i umrlog demobiliziranog branioca; pripadnika romske nacionalnosti; osoba s invaliditetom preko 70%; osoba bez roditeljskog staranja koje su štíćenici ustanova za smještaj djece bez roditeljskog staranja u Zeničko-dobojskom kantonu; osoba čiji su roditelji/staratelji korisnici socijalne pomoći, a koji imaju prebivalište na području Zeničko-dobojskog kantona, a koji se prijave na redovan studij (finansira Osnivač) i polože prijemni ispit, odnosno ne ostvare potreban broj bodova po općim i posebnim kriterijima na fakultetima na kojima nije predviđen prijemni ispit, a ne uđu u kvotu predviđenu Planom upisa, Vlada Kantona donosi posebnu odluku o davanju saglasnosti na povećanje broja studenata za upis. Odluka o davanju saglasnosti na povećanje broja studenata za upis donosi se na osnovu zahtjeva Univerziteta u Zenici.

Status pripadnika romske populacije kandidati za upis u prvu godinu II (drugog) ciklusa studija na fakultetima Univerziteta u Zenici u akademskoj 2024/2025. godini dokazuju prilaganjem jednog od slijedećih dokumenata iz kojih je vidljiva pripadnost romskoj populaciji: školska svjedodžba, izvod iz matične knjige rođenih, izvod iz matične knjige vjenčanih, izvod iz popisa birača ili neki drugi dokument koji sadrži podatak o pripadnosti romskoj populaciji.

Status osobe sa invaliditetom preko 70% kandidati za upis u prvu godinu II (drugog) ciklusa studija na fakultetima Univerziteta u Zenici u akademskoj 2024/2025. godini dokazuju prilaganjem dokumenta nadležne medicinske institucije.

Kandidati za upis u prvu godinu II (drugog) ciklusa studija na Univerzitetu u Zenici dokumenta tražena Konkursom dostavljaju:

1. elektronskim putem na online adresu: <https://unze.ba/upis> ili
2. lično na fakultete Univerziteta u Zenici kako slijedi:

UNIVERZITET U ZENICI
OJ FAKULTET INŽENJERSTVA I PRIRODNIH NAUKA

72000 ZENICA, ulica Travnička cesta broj 1.

UNIVERZITET U ZENICI
OJ MAŠINSKI FAKULTET

72000 ZENICA, ulica Fakultetska broj 1.

UNIVERZITET U ZENICI
OJ FILOZOFSKI FAKULTET

72000 ZENICA, ulica Zmaja od Bosne broj 56.

UNIVERZITET U ZENICI
OJ EKONOMSKI FAKULTET

72000 ZENICA, ulica Fakultetska bb.

UNIVERZITET U ZENICI
OJ PRAVNI FAKULTET

72000 ZENICA, ulica Fakultetska bb.

UNIVERZITET U ZENICI
 OJ MEDICINSKI FAKULTET
 72000 ZENICA, ulica Travnička cesta broj 1.
 UNIVERZITET U ZENICI
 OJ POLITEHNIČKI FAKULTET
 72000 ZENICA, ulica Fakultetska broj 1.
 UNIVERZITET U ZENICI
 ISLAMSKI PEDAGOŠKI FAKULTET
 72000 ZENICA, ulica Bilmišće bb

PLAN UPISA STUDENATA U PRVU GODINU II (DRUGOG) CIKLUSA STUDIJA NA UNIVERZITETU U ZENICI U AKADEMSKOJ 2024/2025.GODINI

Red. broj	FAKULTET	Broj studenata			
		redovni studij		vanredni studij	SVEGA
		finansira Osnivač	samofinansi rajući		
1.	FAKULTET INŽENJERSTVA I PRIRODNIH NAUKA				
	Studijski program/Smjer				
	Metalurško inženjerstvo	2	2	/	4
	<u>Inženjerstvo materijala</u>				
	- Smjer za Metalne materijale	2	2	/	4
	- Smjer za Nemetalne materijale	2	2	/	4
	Hemijsko inženjerstvo	3	2	/	5
	UKUPNO:	9	8	/	17
2.	MAŠINSKI FAKULTET				
	Studijski program				
	Inženjerski dizajn proizvoda	3	1	1	5
	Menadžment proizvodnim tehnologijama	3	1	1	5
	Inženjerska ekologija	3	1	1	5
	Održavanje	3	1	1	5
	Metrologija	/	4	1	5
	Obnovljivi izvori energije i okolinski aspekti	/	/	/	/
	Metrologija	/	3	2	5
	Mehatronika	/	3	2	5
	UKUPNO:	12	14	9	35
3.	FILOZOFSKI FAKULTET				
	Studijski program				
	Razredna nastava	2	2	2	6
	Matematika i informatika	2	2	2	6
	Engleski jezik i književnost	2	2	2	6
	Njemački jezik i književnost	2	2	2	6
	Turski jezik i književnost	2	2	2	6
	Bosanski, hrvatski, srpski jezik i književnost	2	2	2	6
	Kulturalni studij	/	/	/	/
	UKUPNO:	12	12	12	36
4.	EKONOMSKI FAKULTET				
	Studijski program				
	Menadžment preduzeća	6	6	/	12
	Računovodstveni i revizijski menadžment	6	6	/	12
	Lokalni ekonomski razvoj i politika	6	6	/	12
	Poslovne i javne finansije	6	6	/	12
	UKUPNO:	24	24	/	48
5.	PRAVNI FAKULTET				
	Studijski program				
	Građansko pravo	10	2	4	16
	Krivično pravo	8	2	2	12
	Historija države i prava	2	1	1	4
	Državno i međunarodno javno pravo	7	2	3	12

	UKUPNO:	27	7	10	44
6.	MEDICINSKI FAKULTET				
	Studijski program				
	Zdravstvena njega i menadžment	/	30	/	30
	UKUPNO:	/	30	/	30
7.	POLITEHNIČKI FAKULTET				
	Građevinarstvo	5	5	5	15
	Proizvodni biznis	5	5	5	15
	Softversko inženjerstvo	10	10	10	30
	UKUPNO:	20	20	20	60
8.	ISLAMSKI PEDAGOŠKI FAKULTET				
	Studijski program				
	Islamska vjeronauka	/	/	10	10
	Socijalna pedagogija	/	/	5	5
	Predškolski odgoj i obrazovanje	/	/	5	5
	Arapski jezik i književnost	/	5	/	5
	UKUPNO:	/	5	20	25
	SVEUKUPNO(1+2+3+4+5+6+7+8)	104	120	71	
	SVEUKUPNO (redovni, redovni samofinansirajući i vanredni)	(104+120+71)=295			295

Konkurs objavljen u dnevnom listu Večernji list BH dana 26.08.2024.godine